

NORMATIVA CATEGORÍA “PROMESAS”

Tempada 2012 - 2013. Circular 12-12.

Establécense dúas fases, as xornadas locais e o “Festival Galego “PROMESAS”, conforme ás seguintes bases:

XORNADAS LOCAIS.

1.- ORGANIZACIÓN, DATAS E SEDES.

1.1.- Os clubs afiliados á FEGAN poderán organizar “tomadas de tempos” para os nadadores dos anos:

Categoría Feminina: nados no 2005 e posteriores.

Categoría masculina: nados no 2005 e posteriores.

1.2.- Os clubs interesados na celebración das devanditas xornadas deberán poñelo en coñecemento da Federación oportunamente.

1.3.- As datas límite para a celebración de cada xornada e envío de resultados á FEGAN, serán a finais dos meses de novembro para a 1ª xornada, xaneiro para a 2ª xornada, febreiro para a 3ª xornada e abril para a 4ª xornada.

2.- PROGRAMA DE PROBAS.

| Xornada | Probas |
|---------|---|
| 1ª | 1.- 25 libres masculino 2.- 25 libres feminino |
| 2ª | 3.- 25 costas masculino 4.- 25 costas feminino |
| 3ª | 5.- 25 braza masculino 6.- 25 braza feminino 7.- 50 libres masculino 8.- 50 libres feminino |
| 4ª | 9.- 25 bolboreta masculino 10.- 25 bolboreta feminino 11.- 50 costas masculino 12.- 50 costas feminino |

3.- PARTICIPACIÓN.

3.1.- A presente normativa está destinada ás categorías:

Masculina: nados en 2005 e posteriores.

Feminina: nadas en 2005 e posteriores.

3.2.- A participación está aberta a todos os nadadores das categorías sinaladas sen ningún límite.

4.- FÓRMULA DE COMPETICIÓN.

4.1.- Disputaranse todas as probas contra o reloxo.

4.2.- En ditas xornadas poderán actuar como xuíces-árbitros os propios técnicos dos equipos participantes, debendo acreditar a veracidade dos resultados.

4.3.- A puntuación realizarase na sede da FEGAN, a partir da clasificación xeral de cada xornada. Nesta clasificación non se terá en conta a conversión dos resultados realizados en piscina de 50 metros.

4.4.- Para os efectos de puntuación só se terá en conta como máximo catro nadadores por clube en cada proba con independencia dos que participasen.

4.5.- A puntuación será: 27, 24, 22, 21, 20, 19, 18, 17, 16, 15, 14, 13, 12, 11, 10, 9, 8, 7, 6, 5, 4, 3,

2, 1.

4.6.- No suposto de que un clube teña clasificados máis de catro nadadores na mesma proba só puntuarán os catro primeiros. Os clasificados despois non serán puntuados, adxudicándose a súa puntuación ao seguinte da clasificación que non sexa dese mesmo clube.

5.- CLASIFICACIÓN E RESULTADOS.

5.1.- Establecerase unha clasificación individual por cada categoría (masculina e feminina) unha vez reunidos todos os resultados de cada sede e unha clasificación conxunta sumando as dúas anteriores.

5.2.- As clasificacións serán realizadas pola FEGAN, para o cal os clubes organizadores deberán remitir os resultados de cada sede á FEGAN á maior brevidade posible, como máximo deberán atoparse na federación a finais do mes previsto na presente normativa para cada xornada.

5.3.- Os resultados remitiranse á FEGAN a través de correo electrónico (resultados@fegan.org).

FESTIVAL GALEGO “PROMESAS”.

1.- ORGANIZACIÓN, DATA E SEDE.

1.1.- No Festival Galego “PROMESAS” poderán participar os doce mellores clubes clasificados nas xornadas locais pola clasificación conxunta.

1.2.- O Festival celebrarase na data e sede establecida no calendario de natación para a presente tempada (circular 12-09).

1.3.- A competición celebrarase nunha soa sesión que dará comezo ás 17.30 horas.

2.- PROGRAMA DE PROBAS

| | | |
|-------------------------|------------------------|----------------------------|
| 1.- 50 LIBRES MASCULINO | 4.- 50 COSTAS FEMININO | 7.- 50 BOLBORETA MASCULINO |
| 2.- 50 LIBRES FEMININO | 5.- 50 BRAZA MASCULINO | 8.- 50 BOLBORETA FEMININO |
| 3.- 50 COSTAS MASCULINO | 6.- 50 BRAZA FEMININO | 9.- 10X25 LIBRES MIXTO |

3.- PARTICIPACIÓN

3.1.- A presente normativa está destinada ás categorías:

Masculina: nacidos en 2005 e posteriores.

Feminina: nacidas en 2005 e posteriores.

3.2.- A participación está aberta a todos os nadadores das categorías sinaladas e que pertencen aos clubes con dereito a participación.

3.3.- Cada nadador poderá participar como máximo nunha proba individual e na remuda.

3.4.- Cada clube poderá inscribir un máximo de tres nadadores en cada proba e dous equipos de remudas. Os equipos de remudas estarán formados por 5 nenas e 5 nenos.

3.5.- Aceptarase substitucións de nadadores 45 minutos antes do inicio da competición, previa solicitude de baixa dun nadador do mesmo clube inscrito na proba.

3.6.- Os clubes con dereito a participación deberán confirmala no prazo que se indique oportunamente. En caso de que algún non participase o seu posto podería ser cuberto polo seguinte clasificado.

4.- INSCRICIÓN.

4.1.- Realizarase empregando a base de datos ou modelo correspondente á competición de que se trate e serán remitidas á FEGAN por correo electrónico (inscricions@fegan.org). Xunto co devandito arquivo remitirase, no mesmo correo, a “acta de preinscrición” que o propio programa xera en formato .PDF (preferible) ou DOC.

4.2.- As inscricións deberán acharse en poder da FEGAN antes das 20.00 horas do martes anterior á data de

celebración que figura no calendario de natación para a presente tempada, sendo responsabilidade do clube que realiza a inscrición asegurarse de que foi recibida.

4.3.- Deberán inscribirse tamén os nadadores que participen só en remudas e para substitucións, remitindo o impreso correspondente.

5.- FÓRMULA DE COMPETICIÓN.

5.1.- Disputaranse todas as probas contra o reloxo.

5.2.- Puntuarán os 16 primeiros clasificados de cada proba individual e a remuda mellor clasificada de cada clube. No suposto de que un mesmo clube teña clasificadas as dúas remudas entre os 16 primeiros só puntuará a primeira. A clasificada despois non será puntuada, corréndose a súa puntuación á seguinte na clasificación.

5.3.- A puntuación nas probas individuais será: 19, 16, 14, 13, 12, 11, 10, 9, 8, 7, 6, 5, 4, 3, 2, 1.

5.4.- A puntuación nas probas de remudas será: 38, 32, 28, 26, 24, 22, 20, 18, 16, 14, 12, 10, 8, 6, 4, 2.

6.- CLASIFICACIÓNS.

6.1.- Faranse as seguintes clasificacións:

- a) Total masculina en probas individuais
- b) Total feminina en probas individuais
- c) Total conxunta, suma das categorías anteriores máis a remuda.

7.- TÍTULOS E PREMIOS

7.1.- Entregarase un trofeo ao clube clasificado en primeiro lugar na clasificación xeral conxunta como Campión Galego do Festival.

7.2.- Entregaranse medallas a todos os compoñentes dos tres primeiros equipos clasificados.

A Coruña, 28 de setembro de 2012

Secretaría Xeral FEGAN